

ایکنجی سنه

نومرو : ۶

خزینہ اوراق

تاریخ تاسیسی
۱ مایس سنه ۱۲۹۷



تاریخ طبع
و نشر
۱۹ شباط
۱۲۹۸

مؤسسی
محمود جلال الدین



بو رساله ادبیه جمعہ ایرتسی کونلری چیقار

شعرم البته لذیذ اولمز شتای غمده چون
صوبه دلدہ یتشمش میوه نورسته در

ل .. خانم



حیاتک شرفنه دائر امریقالیلرک ترتیب ایتمش اولد -
قلری بر قطعه منظوم (مارسلیز) ک نثرأ ترجمه سیدر.

بعض الحان محزونانه ایله دیمه که حیات بر رویای
واهیدر. خیر حیات جدیدر. خیر حیات یشایجیدر. قبر
هیچ بر وقته انک محبسی اولیه جقدر.

سن طوپراقدنسن وینه طوپراق اوله جقسین : بونلر
جانه خطاب اولنمش لاقردیلر دکلدِر. عمر حربکاهنده
چای کنارنده اوتلایان حیوانلر کی اوله. محاربده
قهرمان اول. هر نقدر خوش کورنسه ده استقباله قاپله.
براق ماضی کندی اولولرینی کومسون. سن زنده اولان
زمان حالده یشا.

سنک قلبک کوکسکده وجناب حق ایسه باشک
اوستنده در.

دائما بتوره رک - دائما باشلایه رق حیات دکزینی احاطه
ایدن قوملرک اوزرنده بر ایز بر افعه چالیش بلکه کونک

برنده قضا زده اولان قرنداش لرینک بریسی یولنی بولق
ایچون بو ایزدن استفاده ایلیه .

منیف پاشا



ادیب عالیقدر کمال بک افندیکنک

ایدوب استفاده برشب فلکک لطافتندن
او مهی قولده طوئدم قره رقابتندن
کوزمک اوکنده طوردی ایکی ماه قارشی قارشی
بری آندی بحره کندین اوتانوب کسافتندن



زمانه برقاج خطاب

ای زمان ای صانع روی زمین
جامع آثار رب العالمین

(۲)

زیرده بالاده مرفوع وبسیط
جمله موجوداته برسنسین محیط

سر خلقت سنده اولمش آشکار
نام خالق سنده قالمش یادکار